

u Rješenja o imenovanju Komisije za izbor predsjednika i članova Skupštine "Vodostan" d.o.o. Ilijaš, broj: 01/2-11-919/26 od 31.03.2026. godine, a u skladu sa odredbama člana 9. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), Komisija za izbor i imenovanje predsjednika i članova Skupštine JKP "Vodostan" d.o.o. Ilijaš na 1. sjednici održanoj dana, 28.04.2026. godine donosi:

POSLOVNIK O RADU KOMISIJE ZA PROVOĐENJE JAVNOG OGLASA ZA IZBOR I IMENOVANJE PREDSJEDNIKA I ČLANOVA SKUPŠTINE JKP "VODOSTAN" d.o.o. Ilijaš

I - OPĆE ODREDBE

Član 1.

Ovim Poslovnikom uređuju se pitanja organizacije, načina rada i odlučivanja, način provjere znanja kandidata, način i kriterijumi ocjenjivanja kandidata Komisije za izbor i imenovanje predsjednika i članova Skupštine JKP "Vodostan" d.o.o. Ilijaš (u daljem tekstu: Komisija), po Javnom oglasu za izbor i imenovanje predsjednika i članova Skupštine JKP "Vodostan" d.o.o. Ilijaš, broj: 01/2-11-919/26 od 02.04.2026. godine, objavljen u dnevnim novinama "Oslobođenje", dana 06.04.2026. godine, web stranici Općine Ilijaš: www.ilijas.ba, dana 08.04.2026. godine i "Službenim novinama Federacije BiH", broj: 26/26 od 08.04.2026. godine i 27/26 od 10.04.2026. godine.

Član 2.

- (1) Rad Komisije zasniva se na načelima zakonitosti, nezavisnosti, nepristrasnosti, objektivnosti, efikasnosti i javnosti.
- (2) Član Komisije je dužan čuvati službenu tajnu i druge povjerljive podatke koje sazna u obavljanju svoje dužnosti.

Član 3.

Komisija provodi postupak izbora kandidata u skladu sa odredbama Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), Odluke o osnivanju Skupštine JKP „Vodostan“ d.o.o. Ilijaš („Službene novine Kantona Sarajevo“, broj: 33/09), Odluke o usklađivanju statusa JKP „Vodostan“ d.o.o. Ilijaš sa Zakonom o javnim preduzećima u Federaciji BiH („Službene novine Kantona Sarajevo“, broj: 32/05 i 33/09), Odluke o standardima i kriterijima za imenovanje na pozicije predsjednika i članova Skupštine JKP „Vodostan“ d.o.o. Ilijaš („Službene novine Kantona Sarajevo“, broj: 35/09), Statuta JKP „Vodostan“ d.o.o. Ilijaš („Službene novine Kantona Sarajevo“, broj: 10/06), Odluke o pokretanju postupka za izbor predsjednika i članova Skupštine JKP „Vodostan“ d.o.o. Ilijaš i kriterijima za imenovanje istih, broj: 01/2-11-919/26 od 31.03.2026. godine i drugih relevantnih općih i posebnih akata.

II- SASTAV KOMISIJE, PRAVA I OBAVEZE ČLANOVA KOMISIJE

Član 4.

- (1) Komisija broji pet članova i imenovana je Rješenjem Općinskog načelnika, broj: 01/2-11-919/26 od 31.03.2026. godine.
- (2) Članovi Komisije posjeduju stručno znanje u odgovarajućim oblastima.
- (3) Administrativno-tehničke poslove za Komisiju obavlja član Komisije kojeg odredi Komisija na sjednici.

Član 5.

- (1) Komisija radi i donosi Odluke na sjednicama Komisije.
- (2) Komisija odlučuje o pitanjima iz svoje nadležnosti većinom glasova.
- (3) Komisija radi kada je prisutna većina članova, a obavezno radi u punom sazivu prilikom provođenja intervjua i ocjenjivanja kandidata.

Član 6.

- (1) Sastanci Komisije se održavaju na zahtjev predsjednika Komisije koji vodi sastanak.
- (2) Na sjednici Komisije vodi se zapisnik.
- (3) Zapisnik potpisuje predsjednik i članovi Komisije.

Član 7.

- (1) Član Komisije će odmah od saznanja za razloge izuzeća zatražiti izuzeće u Komisiji, ukoliko je srodnik nekog od prijavljenih kandidata u prvoj ili pobočnoj liniji do četvrtog stepena i u tazbinskoj liniji do drugog stepena.
- (2) Članovi Komisije će nakon otvaranja pristiglih prijava potpisati Izjavu da nisu u sukobu interesa, te da ne postoje razlozi za izuzeće u Komisiji.

III POSTUPANJE SA PRIJAVAMA

Član 8.

- (1) Komisija po isteku roka od posljednjeg objavljivanja javnog oglasa za izbor i imenovanje predsjednika i članova Skupštine JKP „Vodostan“ d.o.o. Ilijaš, po pravilu, otvara i razmatra sve pristigle prijave i dostavljenu dokumentaciju i sastavlja spisak kandidata za koje se provodi izborni postupak za pozicije iz člana 1. ovog Poslovnika, na obrascu br. 1. koji čini sastavni dio ovog Poslovnika.
- (2) Komisija prijave razmatra isključivo sa aspekta općih i posebnih uslova predviđenih javnim oglasom.
- (3) Komisija će sastaviti spisak kandidata koji nisu ispunili formalno — pravne uslove, odnosno listu kandidata koji neće ući u dalji izborni postupak, na obrascu br. 2 koji čini sastavni dio ovog Poslovnika.
- (4) Spisak kandidata iz stava (1) i stava (2) ovog člana potpisuju svi članovi Komisije.
- (5) Prilikom razmatranja pristiglih prijava, Komisija utvrđuje da li su prijave uredne, potpune i blagovremene.
- (6) Urednom prijavom na javni oglas smatra se prijava koja je potpisana od strane podnosioca prijave, na način kako je propisano javnim oglasom.
- (7) Potpunom prijavom smatra se prijava uz koju su priloženi svi dokazi o ispunjavanju općih i posebnih uslova naznačenih u javnom oglasu za izbor i imenovanje predsjednika i članova Skupštine JKP Vodostan d.o.o. Ilijaš.
- (8) Uz prijavu se, u originalu ili ovjerenim fotokopijama, prilažu dokazi, naznačeni u javnom oglasu za izbor i imenovanje predsjednika i članova Skupštine JKP „Vodostan“ d.o.o. Ilijaš.
- (9) Blagovremenom prijavom smatra se prijava koja je podnesena u roku određenom od posljednjeg objavljivanja javnog oglasa za izbor i imenovanje predsjednika i članova JKP „Vodostan“ d.o.o. Ilijaš.

Član 9.

- (1) Neuredne, nepotpune i neblagovremene prijave neće se uzeti u razmatranje.
- (2) Komisija pismeno, putem pošte na adresu stanovanja i putem e-maila navedenog na prijavi, obavještava kandidate, čija dokumentacija je neuredna, nepotpuna i

neblagovremena, da nisu na spisku kandidata među kojima se provodi izborni postupak, sa navođenjem razloga zašto pristigla prijava nije ispravna, uz mogućnost uvida u dostavljenu dokumentaciju, u terminu koji odredi Komisija.

IV PROVOĐENJE IZBORNOG POSTUPKA

Član 10.

- (1) Proces izbora kandidata, među kojima se provodi izborni postupak, provodi se putem intervjua.
- (2) Intervju obavlja Komisija pojedinačno sa svakim kandidatom, čija je prijava uredna potpuna i blagovremena.
- (3) Komisija će o vremenu i mjestu održavanja intervjua obavijestiti kandidate pismeno i to putem e-maila i putem pošte na adrese naznačene u prijavi.
- (4) Uz Poziv na intervju Komisija dostavlja kandidatu obrazac Izjave o ranijim neposrednim rukovodiocima od kojih se mogu dobiti preporuke i informacije o kandidatu kao i obrazac za pitanja koje bi moglo dovesti do sukoba interesa u slučaju da dođe do imenovanja.
- (5) Izjave iz stava (4) ovog člana kandidati su dužni dostaviti potpisane i ovjerene i iste predati Komisiji prilikom intervjua.

Član 11.

- (1) Komisija će se sastati 1 (jedan) sat prije zakazanog termina za održavanje intervjua i tom prilikom će utvrditi pitanja za intervju, a koja se sastoje iz sljedećih oblasti: opća pitanja o radu i djelatnosti JKP „Vodostan“ d.o.o. Ilijaš, pitanja iz nadležnosti i odgovornosti Skupštine JKP „Vodostan“ d.o.o. Ilijaš, Uprave i Nadzornog odbora Preduzeća, poznavanje propisa koji se primjenjuju na rad i poslovanje javnih Preduzeća, znanje i sposobnost razumijevanja finansijskih i poslovnih izvještaja, sposobnosti za odgovorno obavljanje dužnosti predsjednika i člana Skupštine JKP „Vodostan“ d.o.o. Ilijaš, izražene inicijativnosti i nezavisnosti u radu i donošenju odluka, komunikacijske i organizacijske sposobnosti, rezultatima rada ostvarenim tokom dosadašnjeg radnog angažmana i općeg dojma.
- (2) Kvalitet odgovora kandidata na intervju članovi Komisije boduju sa ocjenama od 5 do 10.
- (3) Na intervju će svakom kandidatu biti postavljeno ukupno šest pitanja (opće kompetencije – 1 pitanje, motivaciono pitanje – 1 pitanje i stručno znanje iz oblasti navedenih u stavu (1) ovog člana – 4 pitanja).
- (4) Komisija će, na propisanom obrascu br. 3, a koji čini sastavni dio ovog Poslovnika, izvršiti bodovanje svakog kandidata zavisno od kvaliteta odgovora na postavljena pitanja, iz stava (1) ovog člana.
- (5) Komisija će vršiti bodovanja, na propisanom obrascu br. 3, prema sljedećim kriterijima: 5 – ne zadovoljava ni jedan kriterij, 6 – zadovoljava jedan kriterij, 7 – zadovoljava jedan i djelimično drugi kriterij, 8 – zadovoljava dva kriterija, 9 – zadovoljava dva i djelimično treći kriterij i 10 – zadovoljava sve kriterije.
- (6) Pojedinačne bodove za kandidate svaki član Komisije upisuje na propisanom obrascu
- (7) Maksimalan broj bodova koji kandidat može ostvariti na usmenom dijelu ispita je 60 bodova, na način da se ukupan broj bodova koji kandidat dobije od svakog člana Komisije na usmenom dijelu ispita, dijeli sa brojem članova Komisije i tako dobiveni broj bodova predstavlja broj bodova koji je kandidat osvojio na intervju.

Član 12.

(1) Komisija će na osnovu dostavljene dokumentacije, obavljenog intervjua i utvrđenih bodova, koje su ostvarili kandidati tokom intervjua, sačiniti Zapisnik sa preporukom kandidata za izbor i imenovanje predsjednika i člana Skupštine JKP „Vodostan“ d.o.o. Ilijaš i isti dostaviti Općinskom načelniku u roku od 30 dana od dana isteka roka za podnošenje prijave po raspisanom javnom oglasu.

(2) Zapisnik sa preporukom kandidata iz stava (1) ovog člana potpisuju svi članovi Komisije.

(3) Odluku o izboru i imenovanju predsjednika i članova Skupštine JKP „Vodostan“ d.o.o. Ilijaš donosi Općinski načelnik.

V - ZAVRŠNE ODREDBE

Član 13.

Izmjene i dopune ovog Poslovnika vršit će se na način i po postupku za njegovo donošenje.

Član 14.

Ovaj Poslovnik stupa na snagu danom donošenja, objavit će se na web stranici Općine Ilijaš i Oglasnoj ploči, a primjenjivat će se do okončanja oglasne procedure.

Broj: 01/2-11-919-P/26
Datum: 28.04.2026. godine

Komisija:

Adha Masnopita – predsjednica
Nedžad Masnopita – član
Vernesa Bešlija – član
Edin Osmanović – član
Amina Bektić-Suljagić – član

—
—
—
—
—

Obrazac br. 1.

Lista kandidata između kojih se provodi izbor za poziciju predsjednika i člana Skupštine JKP „Vodostan“ d.o.o. Ilijaš, po Javnom oglasu za izbor i imenovanje predsjednika i člana Skupštine JKP „Vodostan“ d.o.o. Ilijaš, broj: 01/2-11-919/26 od 02.04.2026. godine

R.br.	Ime i prezime kandidata	Prijava biografijom	Izvod matične knjige rođenih	Iz Uvjerenje iz državljanstvu	Diploma	Uvjerenje o radnom stažu	Izjava	Izjava lični podaci	Dodatna dokumentacija

Ilijaš, dana _____ 2026. godine

Komisija:

Adha Masnopita – predsjednica
 Nedžad Masnopita – član
 Vernesa Bešlija – član
 Edin Osmanović – član
 Amina Bektić-Suljagić – član

Obrazac za ocjenjivanje kandidata za izbor predsjednika i člana Skupštine JKP
"Vodostan" d.o.o. Ilijaš

Ime i prezime kandidata

datum održavanja intervjua

R.br.	PITANJE	OCJENA 5-10	KOMENTAR
1.	OPĆE PITANJE		
2.	MOTICACIONO PITANJE		
3.	STRUČNO PITANJE 1		
4.	STRUČNO PITANJE 2		
5.	STRUČNO PITANJE 3		
6.	STRUČNO PITANJE 4		
KONAČAN (ZBIRNI) BROJ BODOVA			

KANDIDAT OCJENJEN UKUPNOM OCJENOM _____
(konačan broj bodova podijeljen sa 5)

Komisija za izbor predsjednika i člana
Skupštine JKP „Vodostan“ d.o.o. Ilijaš

IME I PREZIME PREDSJEDNIKA/ČLANA KOMISIJE

SVOJERUČAN POTPIS PREDSJEDNIKA/ČLANA KOMISIJE

Obrazac za ocjenjivanje kandidata za izbor predsjednika i člana Skupštine JKP "Vodostan" d.o.o. Ilijaš
- zbirni -

Ime i prezime kandidata

datum održavanja intervjua

OCJENA PREDSJEDNIKA KOMISIJE	OCJENA ČLANA KOMISIJE	OCJENA ČLANA KOMISIJE	OCJENA ČLANA KOMISIJE	OCJENA ČLANA KOMISIJE
_____	_____	_____	_____	_____

KONAČAN (ZBIRNI) BROJ BODOVA:

KANDIDAT OCJENJEN UKUPNOM OCJENOM KOMISIJE
(konačan broj bodova podijeljen sa 5)

_____ BROJ (SLOVIMA)

Komisija:

Adha Masnopita – predsjednica
Nedžad Masnopita – član
Vernesa Bešlija – član
Edin Osmanović – član
Amina Bektić-Suljagić – član